

## Pistill sveitarstjóra í apríl



Nú er páskahátíðin liðin og vonandi nutu íbúar og lesendur samveru og góðra stunda með sínu fólki. Sólríkir en vindasamir páskar og útsýnið eins og best verður á kosið hér í víðsýninu í Flóanum!

Ýmislegt hefur verið í gangi í marsmánuði.

Sveitarstjórn stóð fyrir íbúafundi þriðjudaginn 26. mars og voru helstu umræðuefni á fundinum úrgangsmál í landbúnaði, kynning á komandi framkvæmdum við Flóaskóla og kynning á ferli í kringum endurskoðun aðalskipulags sveitarfélagsins. Að auki voru teknir fyrir umræðupunktur sem voru sendir inn í gegnum íbúakönnun á heimasíðu fyrir fundinn. Íbúar tóku þátt á staðnum ásamt því að nokkrir fylgdust með í beinu

streymi. Glærur frá íbúafundinum munu birtast á heimasíðu Flóahrepps fyrir áhugasama og einnig verða breytingar og umbætur sem snúa að úrgangsmálum í landbúnaði kynntar sérstaklega fyrir þeim sem við á.

Á fundi í byrjun mars ákvað sveitarstjórn að greina notkun og rekstur á þremur fasteignum í Flóahreppi en það eru félagsheimilin Þingborg og Félagslundur ásamt Gömlu Þingborg. Markmiðið er að fá betri yfirsýn og stöðu á rekstrinum og nýtingu húsanna og í kjölfarið að skilgreina hlutverk og framtíðarnotkun þessara fasteigna en það er mikilvægt til að hægt sé að taka ákvarðanir um viðhaldsverkefni og frekari fjárfestingar. Kjörin sveitarstjórn hverju sinni þarf að skoða vel alla anga í rekstri sveitarfélagsins enda er það sveitarstjórnar að fara með ákvörðunarvald um nýtingu tekjustofna, lántökur og um ráðstöfun eigna skv. sveitarstjórnarlögum.

Unnið er að endurskoðun í tengslum við ársreikning Flóahrepps fyrir árið 2023 en sveitarstjórn mun taka ársreikninginn fyrir í tveimur umræðum á komandi vikum.

Töluvert hefur verið unnið að því að bæta aðstöðu í Þjósárveri sem nýtist félagsmiðstöðinni, ungmennahúsi og Flóaskóla og vonandi munu eldri íbúar einnig geta nýtt sér þessa frábæru aðstöðu sem búið er að byggja upp. Búið er að koma upp fullbúnum píluspjöldum, bæta við billjard og þythokkýborðum og einnig stendur til að setja upp hljóðdempandi tjaldi til að geta skipt salnum upp svo hægt sé að nýta hann í starfsemi skólans ásamt því að hýsa matsal skólans.

Félagsmiðstöðin Zone heldur áfram að sinna sínu mikilvæga hlutverki innan sveitarfélagsins. Í mars var farið á söngkeppni og ball í Þorlákshöfn, haldin opin hús ásamt því að farið var í

Þriggja daga skíðaferð í Skagafjörð í samstarfi við Flóaskóla. Að auki hefur ungmennaráð staðið fyrir ungmennahúsi í mánuðinum.

Búið er að panta nýjar varmadætur fyrir Félagslund eftir að ljóst varð að núverandi kynding var ekki að ná að sinna sínu hlutverki og mjög orkufrekt og kostnaðarsamt hefur verið að halda hita á húsinu. Einnig er unnið að lagfæringu á anddyri í Félagslundi og búið er að laga gólf og mála vegg í stólageymslu. Verið er að kanna möguleika á breytingum í Þingborg sem snúa að því að stækka gólfplöt í salnum með því að gera breytingar á sviðinu. Kanna þarf burðarþol í þaki og kostnaðargreina þær framkvæmdir áður en sveitarstjórn tekur frekari ákvarðanir.

Undirbúningur fyrir verkefni sumarsins eru komin af stað og hafa t.d. verið fengnir verktakar í innanhúsbreytingar í Flóaskóla sem unnið verður að á meðan sumarfrí er í skólanum.

Byggðapróunarfulltrúi í neðri hluta Árnassýslu vinnur, ásamt verkefnastjórn, að gerð sameiginlegrar atvinnumálastefnu fyrir Flóahrepp, Sveitarfélagið Árborg og Hveragerði. Íbúakönnun vegna stefnunnar hefur verið í gangi síðustu vikur og verður hún opin fram yfir páska. Vonandi hafa sem allra flestir tekið þátt í könnuninni.

Vorið er framundan og margt sem því tengist.

Sveitarstjórn hvetur íbúa til að taka þátt í Stóra plockdeginum sem haldinn verður um allt land þann 28. apríl. Það er góður tímapunktur til að hefja allsherjar hreinsunaráttak í sveitarfélaginu sem endar svo á opnum dögum á gámasvæðinu í Hrísmýri í lok maí. Svæðið verður þá opið fyrir íbúa, fasteignaeigendur og atvinnurekendur í Flóahreppi en á þeim dögum þarf ekki að nota inneignarkortið en sýna þarf þó framá að viðkomandi sé að koma úr Flóahreppi t.d með því að sýna kortið. Ekki er lengur í boði að fá gáma heim á bæi á kostnað sveitarfélagsins. Opnu dagarnir verða nánar auglýstir í maí.

*Við hvetjum íbúa í sveitarfélaginu til að taka til hendinni í apríl og maí og nýta sér gámasvæðið til að losna við úrgang sem fellur til utan hefðbundins heimilisúrgangs. Atvinnurekendur eru sérstaklega hvattir til þess að huga að lóðum sínum og fjarlægja lausafjármuni og úrgang af lóðum sínum. Minnum einnig á grenndargámana fyrir gler og málma við Þingborg og Félagslund.*

Hafi íbúar áhuga á að panta til sín gáma á eigin vegum er hægt að hafa samband við ÍGF í síma 482-3371 eða á netfangið [igf@igf.is](mailto:igf@igf.is).

Flóahreppur auglýsir eftir umsóknum um menningarstyrk Flóahrepps vegna ársins 2024 sbr. reglur um úthlutun styrkja til menningarmála. Sækja þarf um styrkinn fyrir 15. apríl. Nánar um styrkveitingu má sjá hér: <https://www.floahreppur.is/is/frettir/umsoknir-um-menningarstyrk-floahrepps-2024>

Fulltrúar í íþróttá- æskulýðs- og menningarnefnd eru á fullu að undirbúa vorhátíðina okkar Fjör í Flóa sem haldin verður 31. maí – 1. júní í ár. Við hvetjum íbúa til að fylgjast með facebook síðu Fjörs í Flóa og á heimasíðu Flóahrepps.

<https://www.floahreppur.is/is/frettir/fjor-i-floa-2024>

### **Óskað er eftir áhugasömum fulltrúa í Öldungaráð Uppsveita og Flóa.**

Flóahreppur skal tilnefna einn fulltrúa og annan til vara í sameiginlegt Öldungaráð sem sveitarfélögin Flóahreppur, Grímsnes- og Grafningshreppur, Skeiða- og Gnúpverjahreppur, Hrunamannahreppur og Bláskógabyggð starfrækja í sameiningu. Í Öldungaráð eru einnig skipaðir tveir fulltrúar frá Skóla- og velferðarþjónustu Árnespings og einn fulltrúi frá Heilbrigðisstofnun Suðurlands með þekkingu á öldrunarþjónustu. Hlutverk Öldungaráðs er meðal annars að fylgjast með heilsufari og félagslegri velferð aldraðra og samhæfa þjónustu, að gera tillögur to sveitarstjórnar um öldrunarþjónustu og að leitast við að tryggja að aldraðir fái þá þjónustu sem þeir þarfnast og kynna öldruðum þá kosti sem eru í boði. Áhugasamir hafi samband við sveitarstjóra í síma 480 4370 eða á netfangið [floahreppur@floahreppur.is](mailto:floahreppur@floahreppur.is)

### **Óskum eftir flokkstjórum og starfsmönnum í vinnuskóla Flóahrepps sumarið 2024**

Flóahreppur starfrækir vinnuskóla á sumrin í 7 vikur á tímabilinu frá byrjun júní og framyfir miðjan júlí. Vinnuskólinn er opinn fyrir unglinga sem eiga lögheimili í Flóahreppi. Verkefnin eru fjölbreytt og aðalstarfsstöðvarnar þrjár, við Þingborg, Þjósárver/Flóaskóla og Félagslund. Stefnt er að því að unglingar fæddir 2008-2010 eigi kost á vinnu í 6 vikur og þeir sem fæddir eru 2011 eigi kost á vinnu í 2 vikur í samráði við flokkstjóra. Umsóknareyðublað vegna starfs við vinnuskólann má finna á heimasíðu Flóahrepps:

<https://www.floahreppur.is/is/thjonusta/fraedslumal/vinnuskoli-floahrepps> en einnig er hægt að nálgast útprentað eyðublað á skrifstofu Flóahrepps. *Athugið að foreldri/forráðamaður þarf að fylla út umsóknina með barni sínu og hefur starfsmaður Flóahrepps samband við foreldri til að staðfesta starf við vinnuskólann. Útprentuðum umsóknum skal skila á netfangið [floahreppur@floahreppur.is](mailto:floahreppur@floahreppur.is) eða í afgreiðsluna á skrifstofu Flóahrepps fyrir 24. maí.*

Flóahreppur auglýsir einnig eftir öflugum flokkstjórum fyrir vinnuskóla og hvetjum við áhugasama að sækja um hér: <https://www.floahreppur.is/is/frettir/flokkstjorar-i-vinnuskola-floahrepps-2024>

Næsti fundur sveitarstjórnar Flóahrepps verður mánudaginn 8. apríl kl. 16:00 í Þingborg. Erindi sem óskað er eftir að verði tekin fyrir þurfa að berast á skrifstofu Flóahrepps eða á netfangið [floahreppur@floahreppur.is](mailto:floahreppur@floahreppur.is) í síðasta lagi kl. 12:00 föstudaginn 5. apríl.

**Opnunartímar gámasvæðisins í Hrísmýri eru eftirfarandi:**

Mánudaga – föstudaga: 13:00-17:00

*Athugið að sú breyting hefur orðið á þjónustu ÍGF að ekki er opið á laugardögum.*

Sjá nánar hér: <https://gamafelagid.is/starfsstod/islenska-gamafelagid - sudurlandi/>

Þjónusta á starfsstöð er eftirfarandi: almennt sorp, grófur úrgangur, hreint og litað timbur, pappi og pappír, plast, járn og málmar, spilliefni og steinefni.

Hafi íbúar áhuga á að panta til sín gáma á eigin vegum þá er hægt að hafa samband við ÍGF í síma 482-3371 eða á netfangið [igf@igf.is](mailto:igf@igf.is)

Við minnum á að íbúar og fasteignaeigendur þurfa að hafa klippikort til að fá að nota gámasvæðið í Hrísmýri gjaldfrjálst. Klippikortin má nálgast á skrifstofu sveitarfélagsins í Þingborg á opnunartíma.

#### **Viðtal við sveitarstjóra og oddvita:**

Sveitarstjóri er almennt með viðveru á skrifstofu alla virka daga á opnunartíma skrifstofu og tekur á móti íbúum. Það getur verið gott að hringja á undan sér eða senda tölvupóst á [hulda@floahreppur.is](mailto:hulda@floahreppur.is) til að vera viss um að sveitarstjóri sé við og alltaf er hægt að bóka viðtal. Oddviti er ekki með fasta viðveru á skrifstofu en íbúum er ávallt frjálst að heyra í honum, senda tölvupóst eða bóka viðtal við hann. Til að bóka viðtal við oddvita er best að senda tölvupóst á [arni@floahreppur.is](mailto:arni@floahreppur.is).

#### **Húsvarsla í Þingborg og Félagslund:**

Andri Þór Erlingsson og Ingibjörg Einarsdóttir sjá um húsvörslu í Félagslund og Þingborg. Bókanir og fyrirspurnir vegna félagsheimilanna berist í síma 691-7082 eða á netfangið [thingborg@gmail.com](mailto:thingborg@gmail.com).

#### **Opnunartími skrifstofu:**

Opnunartími skrifstofu Flóahrepps er frá 9:00-16:00 mánudaga-fimmtudaga og 9:00-13:00 á föstudögum.

Síminn er opin frá 9:00-13:00 alla virka daga og alltaf er hægt að senda tölvupóst á starfsmenn skrifstofu:

Anna Dóra ritari og gjaldkeri: [anna@floahreppur.is](mailto:anna@floahreppur.is)

Hafdís bókari, launafulltrúi og umsjón með álagningakerfi: [hafdis@floahreppur.is](mailto:hafdis@floahreppur.is)

Hulda sveitarstjóri: [hulda@floahreppur.is](mailto:hulda@floahreppur.is)

Vaktsími vatnsveitu: 862-6848

**Umhverfis- og tæknisvið Uppsveita bs. (UTU) – vegna skipulags- og byggingarmála:** UTU er staðsett á Laugarvatni. Almennt netfang: [utu@utu.is](mailto:utu@utu.is) Sími: 480-5550

Opið alla virka daga frá 9:00-12.00.

Viðtals- og símatímar skipulags- og byggingarfulltrúa og annarra starfsmanna alla virka daga nema miðvikudaga milli kl. 9:00-12.00.

Mælst er til þess að fundir séu bókaðir með fyrirvara. Sjá nánar hér: <https://www.utu.is/um-okkur/>

**Skóla- og velferðarþjónusta Árnesþings bs:**

Skóla- og velferðarþjónustan er staðsett í Laugarási en starfsmenn sinna fundum og ráðgjöf oft á tíðum utan starfsstöðvar. Sími: 480-1180

Vegna skólaþjónustu: [skolathjonusta@arnesthing.is](mailto:skolathjonusta@arnesthing.is)

Vegna velferðarþjónustu: [velderd@arnesthing.is](mailto:velderd@arnesthing.is)

Sjá nánar hér: [www.arnesthing.is](http://www.arnesthing.is)

*Hulda Kristjánsdóttir, sveitarstjóri Flóahrepps*